

O‘zbekiston
Metama’lumot
Aholi jon boshiga iste’mol tovarlarini ishlab chiqarish

Ishlab chiqilgan sana: 25.07.2022

Oxirgi yangilangan sana: 25.07.2022

0. Asoslar

0.1 Qonuniy asoslar

0.1.1 Statistik ma’lumotlarni yig‘ish, qayta ishlash va tarqatish uchun javobgarlik

O‘zbekiston Respublikasi Davlat statistika qo‘mitasi

O‘zbekiston Respublikasi Davlat statistika qo‘mitasi 2021-yil 11-avgustda qabul qilingan “Rasmiy statistika to‘g‘risida”gi O‘zbekiston Respublikasi [Qonuniga](#) muvofiq mustaqil ravishda o‘z faoliyatini yuritadi.

Ushbu Qonunning maqsadi rasmiy statistika sohasidagi munosabatlarni tartibga solishdan iborat. Qonunning amal qilishi rasmiy statistikani tayyorlovchilarga va undan foydalanuvchilarga, respondentlarga hamda ma‘muriy ma’lumotlarni yetkazib beruvchilarga, shuningdek ular o‘rtasida yuzaga keladigan, rasmiy statistikani tayyorlash, tarqatish va muvofiqlashtirish bilan bog‘liq bo‘lgan munosabatlarga nisbatan tatbiq etiladi.

2017-yil 2-sentabrda tasdiqlangan va Davlat statistika qo‘mitasining vakolatlari, funksiyalari va tarkibini aniqlab beradigan “O‘zbekiston Respublikasi Davlat statistika qo‘mitasi to‘g‘risida [Nizom](#)”ga muvofiq Davlat statistika qo‘mitasi milliy statistika tizimini muvofiqlashtirish, monitoring va nazorat qilishga mas‘ul, shuningdek ma’lumotlarni yig‘ish, qayta ishlash, tahlil qilish va tarqatish bo‘yicha asosiy organ bo‘lib hisoblanadi. Shu bilan birga, xalqaro standartlarga mos yagona statistika uslubiyati bilan ta‘minlash vazifalarini bajaradi.

Rasmiy statistika to‘g‘risidagi Qonunning 14-moddasiga muvofiq davlat statistika organlari quyidagi huquqlarga ega:

- davlat va xo‘jalik boshqaruvi organlaridan, fuqarolarning o‘zini o‘zi boshqarish organlaridan, banklardan hamda boshqa tashkilotlardan statistika kuzatuv shakllarini olish va statistika kuzatuv ma’lumotlaridan statistika maqsadlarida foydalanish;
- statistik birliklar faoliyatining statistika kuzatuvlarini o‘tkazish va olingan birlamchi ma’lumotlardan statistika maqsadlarida foydalanish;
- jismoniy shaxs bo‘lgan respondentlarni statistika kuzatuvlarida ishtirok etganligi uchun rag‘batlantirishni amalga oshirish;
- davlat va xo‘jalik boshqaruvi organlaridan, shuningdek boshqa tashkilotlardan statistika dasturlarini bajarish uchun zarur bo‘lgan axborotni so‘rash hamda olish;
- rasmiy statistikani tayyorlash uchun zarur bo‘lgan statistika ma’lumotlarini yig‘ishga jismoniy va yuridik shaxslarni qonunchilikka muvofiq shartnoma asosida jalb etish;

- statistika ma'lumotlarini yig'ish, ularga ishlov berish, ularni umumlashtirish, tahlil qilish, tarqatish va saqlashning zamonaviy usullari va vositalaridan foydalanish hamda ularni milliy statistika tizimiga joriy etish;

- statistika ma'lumotlarini taqdim etish bilan bog'liq qoidabuzarliklar aniqlangan taqdirda, ularni bartaraf etish haqida ko'rsatmalar berish va statistika ma'lumotlariga tegishli tuzatishlar kiritish;

- statistika hisobotlarini taqdim etish tartibini buzgan mansabdor shaxslarga nisbatan ma'muriy jazo choralarini qonunga muvofiq o'z vakolatlari doirasida qo'llash.

2017-yil 12-sentabrdagi O'zbekiston Respublikasi Prezidentining F-5054-son farmoyishiga muvofiq, mamlakatdagi iqtisodiy va moliyaviy ma'lumotlar Xalqaro Valyuta Fondining kengaytirilgan umumiy ma'lumotlar tarqatish tizimi (k-MTUT)ga to'g'ri kelishi va uning doirasida muvofiqlashtirilishi kerak.

0.1.2 Ma'lumot ishlab chiqaruvchi tashkilotlar o'rtasida ma'lumotlar almashinuvi va muvofiqlashtirish

O'zbekiston Respublikasi Davlat statistika qo'mitasi

"Rasmiy statistika to'g'risida"gi Qonunning 11-moddasiga asosan rasmiy statistikani tayyorlovchilar statistika ma'lumotlarini ishlab chiqishda xalqaro darajada tavsiya etiladigan tushunchalarga, tasniflarga va uslubiyatga amal qiladi.

Vakolatli davlat organi rasmiy statistikaning boshqa tayyorlovchilarining faoliyatini statistika dasturlari doirasida muvofiqlashtiradi.

Rasmiy statistikani tayyorlovchilar statistika ma'lumotlarini tayyorlash uslubiyatini o'z vakolatlari doirasida muvofiqlashtiradi.

Rasmiy statistikaning boshqa tayyorlovchilarining statistika uslubiyatlarida xalqaro tavsiyalarga nomuvofiqlik aniqlangan taqdirda vakolatli davlat organi statistika uslubiyatlari auditi yakunlariga ko'ra ushbu tayyorlovchilarga ijro etilishi majburiy bo'lgan taqdimnomalar kiritish huquqiga ega.

Milliy statistika tizimiga kiruvchi rasmiy statistikaning boshqa tayyorlovchilari tomonidan statistika ma'lumotlarini shakllantirish va vakolatli davlat organi bilan axborot almashinuvini ta'minlash uchun mas'ul bo'lgan bo'linmalar tashkil etiladi.

Rasmiy statistikani tayyorlovchilar hamda ma'muriy ma'lumotlarni yetkazib beruvchilar o'zlarida mavjud bo'lgan statistika ma'lumotlarini va (yoki) ma'muriy ma'lumotlarni vakolatli davlat organiga statistika dasturlarida belgilangan tartibda va muddatlarda bepul taqdim etadi.

"Rasmiy statistika to'g'risida"gi Qonunning 10-moddasiga asosan, Statistika kengashi vakolatli davlat organi huzuridagi rasmiy statistikaning rivojlantirilishi, faoliyat ko'rsatishi va muvofiqlashtirilishi masalalari bo'yicha kollegial maslahat organidir.

Statistika kengashining tarkibi davlat boshqaruvi organlarining, ilmiy-tadqiqot tashkilotlarining, nodavlat notijorat tashkilotlarining vakillari, shuningdek statistika bo'yicha milliy ekspertlar orasidan tuziladi.

0.1.3 Respondentlar individual ma'lumotlarining maxfiyligi

O'zbekiston Respublikasi Davlat statistika qo'mitasi

“Rasmiy statistika to‘g‘risida”gi Qonunning 27-moddasiga asosan, rasmiy statistikani tayyorlovchilar tasarrufidagi mavjud individual ma'lumotlardan faqat statistika maqsadlarida, jamlanma statistika ma'lumotlarini shakllantirish uchun foydalaniladi.

Davlat organlari, fuqarolarning o'zini o'zi boshqarish organlari va boshqa tashkilotlar, shu jumladan xalqaro tashkilotlar tomonidan individual ma'lumotlardan tergov, nazorat qilish, sud muhokamasi, ma'muriy qarorlar qabul qilish maqsadida yoki jismoniy va yuridik shaxslarga yoki uy xo'jaliklariga taalluqli boshqa maqsadlarda foydalanilishi mumkin emas.

O'zbekiston Respublikasi Davlat statistika qo'mitasi to‘g‘risida Nizomda, Davlat statistika qo'mitasi yuridik va jismoniy shaxslarning, shu jumladan, yakka tartibdagi tadbirkorlar faoliyatining statistika kuzatuvlarini olib borish va olingan ma'lumotlardan statistika maqsadlarida foydalanish huquqiga ega ekanligi hamda olingan statistik ma'lumotlarning maxfiyligini va davlat sirlariga ega bo'lgan statistik ma'lumotlarning himoya qilinishini ta'minlashi belgilab qo'yilgan.

Davlat statistika qo'mitasi xodimlari axloq kodeksiga, shu jumladan maxfiylik prinsiplariga rioya qilishlari, o'zlarining vazifalarini bajarishda ularga taqdim etilgan har qanday individual ma'lumotlarni oshkor qilmasliklari kerak.

Ularni lavozimga tayinlash paytida majburiyatlari haqida ma'lumot beriladi. Davlat statistika qo'mitasining har bir xodimi ma'lumotlarni oshkor qilmaslik majburiyatini o'z ichiga olgan shartnomaga qo'l qo'yishi shart.

0.1.4 Statistik hisobotlarni taqdim etish

O'zbekiston Respublikasi Davlat statistika qo'mitasi

“Rasmiy statistika to‘g‘risida”gi Qonunning 14-moddasiga asosan, davlat statistika organlari davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan hamda boshqa tashkilotlardan statistika kuzatuv shakllarini olish huquqiga ega. O'zbekiston Respublikasining Ma'muriy javobgarlik to‘g‘risidagi [kodeksining](#) 215-moddasiga muvofiq mansabdor shaxslarning statistika kuzatuvini olib borish uchun zarur bo'lgan hisobot va boshqa ma'lumotlarni taqdim etmaslikda ifodalangan statistika hisobotlarini taqdim etish tartibini buzishi, hisobot ma'lumotlarini buzib ko'rsatishi yoki hisobotlarni taqdim etish muddatlarini buzishi bazaviy hisoblash miqdorining yetti baravaridan o'n baravarigacha miqdorda jarima solishga sabab bo'ladi.

“Rasmiy statistika to‘g‘risida”gi Qonunning 16-moddasiga asosan, Statistika dasturlariga binoan statistika kuzatuvlarini o'tkazish chog'ida respondentlar rasmiy statistikani tayyorlovchilarga ishonchli va to'liq ma'lumotlarni rasmiy statistikani tayyorlovchi tomonidan belgilangan tartibda va muddatlarda bepul taqdim etishi shart.

0.2 Resurslar

0.2.1 Kadrlar, moddiy-texnika bazasi, kompyuter vositalari va moliyalashtirish

Aholi jon boshiga iste'mol tovarlarini ishlab chiqarish to'g'risidagi ma'lumotlarni shakllantirishda Markaziy apparatda 12 nafar va statistikaning hududiy boshqarmalarining sanoat statistikasi bo'limlarining har birida 4-5 nafardan xodim tomonidan amalga oshiriladi.

Statistik ma'lumotlarni shakllantirish bo'yicha belgilangan vazifalarni bajarish uchun xodimlar soni etarli.

Barcha xodimlar iqtisodiyot va ishlab chiqarish sohasida oliy ma'lumotga ega bo'lib, har 2 yilda kamida bir marta O'zbekiston Respublikasi Davlat statistika qo'mitasi huzuridagi Kadrlar malakasini oshirish va statistik tadqiqotlar institutida malaka oshirib boriladi.

Har bir ish joyi shaxsiy kompyuter bilan ta'minlangan, dasturiy ta'minot muntazam yangilanadi.

Berilayotgan moliyaviy mablag'lar sanoat statistikasi bo'yicha yillik statistika dasturida nazarda tutilgan ishlarni bajarish uchun yetarli.

1. Beg'arazlik

1.1 Kasbiy mahorat

1.1.1 Statistikaning xolisligi

O'zbekiston Respublikasi Davlat statistika qo'mitasi

"Rasmiy statistika to'g'risida"gi Qonunining 6-moddasiga asosan, rasmiy statistikasining asosiy prinsiplari, jumladan beg'arazlik va xolislik hisoblanadi.

"Rasmiy statistika to'g'risida"gi Qonunining 13-moddasiga asosan, Davlat organlari, boshqa tashkilotlar va ularning mansabdor shaxslari davlat statistika organlarining ushbu Qonunga muvofiq amalga oshirilayotgan faoliyatiga aralashishga haqli emas.

Hududiy statistika boshqarmalari, tumanlarning (shaharlarning) statistika bo'limlari mahalliy davlat hokimiyati organlaridan mustaqil bo'lib, bevosita vakolatli davlat organiga bo'ysunadi.

Mazkur statistik ma'lumotni ishlab chiqishda boshqa davlat organlarining aralashishiga yo'l qo'yilmagan va kasbiy mustaqillik to'liq ta'minlangan.

Kadrlarni tanlab olish va ularni yuqori lavozimlarga tayinlashda, ularning statistika sohasida tajribasi va kasbiy malakasi e'tiborga olinadi. Boshqarma xodimlari malakasini oshirish Davlat statistika qo'mitasi huzuridagi Kadrlar malakasini oshirish va statistik tadqiqotlar instituti tomonidan tashkil etiladigan o'quv kurslarida hamda xalqaro tashkilotlar tomonidan tashkil etiladigan o'quv kurslari, o'quv-amaliy seminarlarda ishtirokini ta'minlash orqali ta'minlanadi. Boshqarma xodimlari Kadrlar malakasini oshirish va statistik tadqiqotlar institutida tashkil etilgan o'quv kurslarida ma'ruzalar bilan ishtirok etadi. Ommaviy axborot vositalarida Boshqarma xodimlarining ilmiy maqolalarini e'lon qilib borish tashkil etilgan.

1.1.2 Manbalar, uslublar va tarqatish usullarini tanlash

O‘zbekiston Respublikasi Davlat statistika qo‘mitasi

“Rasmiy statistika to‘g‘risida”gi Qonunning 33-moddasiga muvofiq:

Rasmiy statistikani tayyorlovchilar rasmiy statistikaning sifatini doimiy asosda baholab boradi. Sifat kafolatini ta‘minlash uchun rasmiy statistika rasmiy statistikaning qamrovi, tushunchalari, statistik birliklari va tasniflariga taalluqli umumiy prinsiplar hamda usullar asosida tayyorlanadi va tarqatiladi.

Rasmiy statistikani tayyorlovchilar rasmiy statistikaning sifatini yaxshilash maqsadida ma‘lumotlarni tahlil etish va tahrir qilish, turli manbalardan olingan ma‘lumotlarni birlashtirish, ma‘lumotlarni statistika maqsadlarida bir-biriga bog‘lashni va solishtirishni amalga oshirish hamda baholashning statistik usullaridan foydalanish huquqiga ega.

Rasmiy statistikani tayyorlovchilar tayyorlash jarayonida foydalaniladigan manbalar va usullarni, shuningdek yakuniy ma‘lumotlar to‘plamlarini hujjatlashtirib boradi. Rasmiy statistikadan foydalanuvchilar statistika ma‘lumotlarining manbalari va ularni tayyorlash usullari hamda rasmiy statistika ma‘lumotlarining sifati to‘g‘risida metama‘lumotlar yordamida xabardor qilinadi.

1.1.3 Statistik ma‘lumotlarni noto‘g‘ri talqin qilish yoki undan noto‘g‘ri foydalanish bo‘yicha sharh

O‘zbekiston Respublikasi Davlat statistika qo‘mitasi

O‘zbekiston Respublikasi Davlat statistika qo‘mitasi to‘g‘risidagi Nizomda (15-band) Davlat statistika qo‘mitasi rasmiy statistik ma‘lumotlardan noto‘g‘ri foydalanish va talqin qilish holatlarini ko‘rib chiqish hamda ular bo‘yicha tushuntirishlar berish huquqiga ega ekanligi belgilab qo‘yilgan.

Unga ko‘ra, Davlat statistika qo‘mitasi statistik ma‘lumotlarni noto‘g‘ri talqin qilish va statistik ma‘lumotlardan noto‘g‘ri foydalanilganda o‘z izohini berishi mumkin.

1.2 Shaffoflik

1.2.1 Statistik ma‘lumotlarni yig‘ish, qayta ishlash va tarqatish qoidalarini va tartibining oshkoraligi

O‘zbekiston Respublikasi Davlat statistika qo‘mitasi

“Rasmiy statistika to‘g‘risida”gi Qonunning 6-moddasiga binoan, rasmiy statistikaning asosiy prinsiplari tushunarlilik va shaffoflik. Statistik ma‘lumotlarni yig‘ish, qayta ishlash va tarqatish bo‘yicha shartlar O‘zbekiston Respublikasining statistikaga oid qonun hujjatlarida keltirilgan. Ushbu qonunchilik choralari veb-saytga joylashtirilgan va jamoatchilikni ular bilan tanishish imkoniyati mavjud. “Rasmiy statistika to‘g‘risida”gi Qonun va statistik ma‘lumotlarni ishlab chiqish va tarqatish muddatlari aniq ko‘rsatilgan statistika dasturi Qo‘mita rasmiy veb-saytiga (www.stat.uz) joylashtirilgan. Qonun Oliy Majlis byulletenida, normativ-huquqiy hujjatlar bazasi (norma), shuningdek Adliya vazirligining www.lex.uz manzilida joylashgan ma‘lumotlar bazasida ham mavjud. Statistik ma‘lumotlarni shakllantirish uchun respondentlar tomonidan

taqdim etiladigan statistika hisoboti shakllari Qo‘mita rasmiy veb-saytida foydalanuvchilar uchun oldindan e‘lon qilinadi.

1.2.2 Hukumatning statistik ma‘lumotlar e‘lon qilinishidan oldin ko‘rishning ichki imkoniyati

O‘zbekiston Respublikasi Davlat statistika qo‘mitasi

Hukumat Davlat statistika qo‘mitasi tomonidan tayyorlangan statistik ma‘lumotlarni ularni e‘lon qilish vaqtidan oldin ko‘rish imkoniyatiga ega emas. Statistik ma‘lumotlarni tarqatishda davlat statistika organlari mustaqildir. Davlat organlarining aralashuviga yo‘l qo‘yilmaydi (“Rasmiy statistika to‘g‘risida”gi Qonunning 13-moddasi). Faqat Qo‘mita raisi, uning o‘rinbosarlari va mas‘ul xodimlar statistik ma‘lumotlar e‘lon qilinishidan oldin ularni ko‘ra oladi.

1.2.3 Statistik ma‘lumotlarning atributlari (belgilari)

O‘zbekiston Respublikasi Davlat statistika qo‘mitasi

Jamoatchilikka e‘lon qilinayotgan bosma statistik nashrlar, axborotnomalar, ommaviy axborot vositalarida berilayotgan ma‘lumotlarning Davlat statistika qo‘mitasi tomonidan ishlab chiqilganligi uning logotipi va izohlari orqali aniq belgilanadi.

1.2.4 Uslubiyatlar, ma‘lumotlar manbasi va statistik usullardagi asosiy o‘zgarishlar haqida oldindan xabardor qilish

O‘zbekiston Respublikasi Davlat statistika qo‘mitasi

Yangi uslubiyatga o‘tishdan, mavjud uslubiyatlar va usullarga sezilarli o‘zgartirishlar kiritishdan oldin Davlat statistika qo‘mitasi jamoatchilikni oldindan xabardor qiladi. Davlat statistika qo‘mitasi o‘z rasmiy veb-saytida foydalanuvchilarni qanday o‘zgarishlar kutayotganini tushuntiruvchi tegishli uslubiy ko‘rsatmalarni joylashtiradi. Maqolalar, yangiliklar va matbuot anjumanlarida kutilayotgan o‘zgarishlar jamoatchilikka yetkaziladi.

1.3. Axloq me‘yorlari

1.3.1 Xodimlarning axloq me‘yorlari bo‘yicha ko‘rsatmalar

O‘zbekiston Respublikasi Davlat statistika qo‘mitasi

Davlat statistika qo‘mitasi xodimlari uchun Odob-axloq qoidalari tasdiqlangan. Ular axloq kodeksiga, shu jumladan maxfiylik prinsipiga rioya qilishlari, o‘zlarining vazifalarini bajarishda ularga taqdim etilgan har qanday ma‘lumotlarni oshkor qilmasligi kerak. Ular lavozimga tayinlanayotganda ushbu majburiyatlar haqida tushuntirishlar beriladi. Davlat statistika qo‘mitasi xodimi individual ma‘lumotlarni oshkor qilmaslik majburiyatini olgan shartnoma tuzishi shart.

2. Uslubiyat

2.1 Konsepsiya va tushunchalar

2.1.1 Konsepsiya va tushunchalar

Aholi jon boshiga iste'mol tovarlari ishlab chiqarish ko'rsatkichi aholining asosan shaxsiy iste'mol uchun ishlatiladigan yoki foyda olish bilan bog'liq bo'lmagan boshqa maqsadlar bilan ta'minlanish darajasini tavsiflaydi va iste'mol tovarlari ishlab chiqarish hajmini tegishli aholiga bo'lishning o'ziga xos xususiyati sifatida hisoblanadi.

Bu ko'rsatkichning o'tgan yilning shu davriga nisbatan foizlarda o'zgarishi tegishli davrdagi sanoat ishlab chiqarishining jismoniy hajmi indeksini shu davrdagi aholi o'sish sur'atiga bo'lish yo'li bilan aniqlanadi.

2.2 Statistik qamrov

2.2.1 Statistik qamrov

2.2.1.1 Ma'lumotlarning statistik qamrovi

Ma'lumotlarning geografik qamroviga Qoraqalpog'iston Respublikasi, 12 viloyat va Toshkent shahri kiradi.

Iste'mol tovarlari ishlab chiqarishning oylik umumiy hajmi yirik tijorat tashkilotlarining hisobot ma'lumotlari, kichik korxonalar va mikrofirmalar, shu jumladan fermer xo'jaliklari, notijorat tashkilotlar, yakka tartibdagi tadbirkorlar va uy xo'jaliklarining ishlab chiqarish faoliyatini baholash asosida hisoblanadi.

2.2.1.2 Statistik qamrovdan istisnolar

Hech qanday istisno yo'q.

2.2.1.3 Aniqlanmagan faoliyat

Yashirin iqtisodiyot hisobga olinmaydi.

2.3 Tasniflash/sectorlar bo'yicha taqsimlash

2.3.1 Tasniflash/sectorlar bo'yicha taqsimlash

Ko'rsatkich butun mamlakat va mintaqalar bo'yicha hisoblanadi.

2.4 Hisobga olish asoslari

2.4.1 Baholash

Iste'mol tovarlari ishlab chiqarish hajmini aniqlash, ular qachon sotilishidan qat'i nazar, ishlab chiqarish paytidagi narxlarda ishlab chiqarilgan tovarlarni baholashni o'z ichiga oladi.

Iste'mol tovarlari ishlab chiqarish hajmi korxonaning o'z sanoat va ishlab chiqarish ehtiyojlariga sarflangan mahsulotlarni hisobga olmasdan, ya'ni ichki ishlab chiqarish aylanmasi qiymatisiz aniqlanadi. Iste'mol tovarlari ishlab chiqarish hajmi haqiqiy narxlarda (QQS va aktsiz solig'isiz) hisoblanadi.

2.4.2 Hisobga olish asosi

Aholi jon boshiga iste'mol tovarlari ishlab chiqarish ko'rsatkichlari iste'mol tovarlari ishlab chiqarish hajmi to'g'risidagi har oyda olingan ma'lumotlar asosida korxonalardan statistika organlariga 5 tadan kechiktirmay qiymat ko'rinishida hisoblanadi. Ma'lumotlar joriy va o'tgan yil uchun ma'lumotlarni o'z ichiga oladi.

2.4.3 Yalpi/sof ko'rsatkichlarni hisoblash tartib-taomillari

Taqqoslashni ta'minlash uchun hisobot va o'tgan yilning tegishli davrlarida iste'mol tovarlari ishlab chiqarish ko'rsatkichlari hisobot yilining amaldagi narxlarida (QQS va aktsiz solig'isiz) keltirilgan.

Hisobot yilida narxlar o'zgarganda, mahsulotlar yangi narxlarda ular joriy qilingan paytdan boshlab baholanadi. Hisobot oyidan tashqari hisobot davri va o'tgan yilning oldingi davrlari ma'lumotlari yangi kiritilgan narxlarda qayta hisoblanmaydi.

3. Aniqlilik va ishonchlik

3.1 Birlamchi ma'lumotlar

3.1.1 Birlamchi ma'lumotlarni yig'ish asoslari

“Aholi jon boshiga iste'mol tovarlari ishlab chiqarish” ni hisoblash uchun ma'lumot bazasi statistik hisobotlarning dastlabki statistik ma'lumotlari hisoblanadi:

yiliga bir marta sanoat ishlab chiqarishining umumiy hajmi to'g'risidagi yangilangan ma'lumotlar yirik korxonalar uchun statistik hisobot ma'lumotlari, kichik korxonalar va mikrofirmalar uchun yagona hisobot asosida shakllantiriladi;

oylik ishlab chiqarish hajmi yirik korxonalarining statistik hisobotlari, kichik korxonalar va mikrofirmalarning sanoat ishlab chiqarish hajmini baholash ma'lumotlari asosida, telefon orqali so'rov o'tkazish yo'li bilan tanlab olingan so'rovnomalar, shuningdek, kichik tadbirkorlik subyektlarining tanlanma so'rovlari asosida hisoblanadi.

3.1.2 Birlamchi ma'lumotlarning ta'rifi, qamrovi, tasniflari, baholanishi va hisobga olish davri

Birlamchi ma'lumotlar buxgalteriya hisobida aks ettirish vaqti va asosiy davrlarga mos keladi. Eng muhim sanoat guruhlarini doirasidagi faoliyat sohasi etarli.

Ma'lumotlarni chiqarish muddati: oylik-hisobot davridan keyingi 10 ish kunidan kechiktirmay, yillik-hisobot davridan keyingi 6 oydan oshmasligi kerak.

3.1.3 Birlamchi ma'lumotlarning o'z vaqtida tayyor bo'lishi

Ma'lumot yig'ish dasturi yillik statistika dasturi bilan tartibga solinadi.

Aholi jon boshiga iste'mol tovarlari ishlab chiqarish hajmi to'g'risidagi ma'lumotlar O'zbekiston Respublikasi Davlat statistika qo'mitasi tomonidan 10-kuni shakllantirilib, amaldagi ma'lumotlar standartiga mos keladi. Yillik-hisobot davridan keyingi 6 oydan kechiktirmay.

3.2 Birlamchi ma'lumotlarni baholash

3.2.1 Birlamchi ma'lumotlarni baholash

Korxonalaridan olingan ma'lumotlar tahlil qilinadi, tuman, viloyat statistika boshqarmalari darajasida, Davlat statistika qo'mitasida majburiy nazorat va tekshiruvdan o'tkaziladi. Ro'yxatga olish, tasniflash, nazorat qilish xatolarini aniqlashda ma'lumotlar respondentlar bilan yana bir bor ko'rsatilishi kerak.

Birlamchi ma'lumotlar boshqa tegishli ma'lumotlar manbalari bilan taqqoslash uchun tahlil qilinadi.

3.3 Statistik usullar

3.3.1 Birlamchi ma'lumotlar bilan ishlashda statistik usullar

Respondentlarning axborotning majburiy taqdim etilishi "Rasmiy statistikasi to'g'risida"gi O'zbekiston Respublikasi Qonunida belgilangan.

Ayrim toifalar (jismoniy shaxslar, ikkilamchi faoliyat va boshqalar) bo'yicha hisob-kitoblarni baholash so'rovnomalar ma'lumotlari bilan kontseptual ravishda mos keladi va umumiy yondashuvlarga ega.

Iste'mol tovarlari ishlab chiqarish hajmini hisoblashning asosiy davri hisobotdan oldingi yil ($t - 1$) hisoblanadi.

3.3.2 Boshqa statistik jarayonlar

Iste'mol tovarlari ishlab chiqarish hajmini hisoblash O'zbekiston Respublikasi Davlat statistika qo'mitasining 2018 yil 31 yanvardagi 6-son qarori bilan tasdiqlangan "Iste'mol tovarlari ishlab chiqarish hajmini shakllantirish bo'yicha uslubiy Nizom" ga muvofiq va "Keng iqtisodiy toifalar bo'yicha tasniflash"/BMT, 2004 yilga muvofiq amalga oshiriladi.

Hisob-kitoblarda soliq organlarining ma'lumotlari, ishlab chiqarish faoliyati bilan

shug'ullanuvchi shaxslarning tanlanma tekshiruvlari va uy xo'jaliklari so'rovlari ma'lumotlari qo'llaniladi.

3.4 Ma'lumotlarni taqqoslash

3.4.1 Oraliq natijalarni taqqoslash

Hisob-kitob va hisobot ma'lumotlarini muntazam ravishda solishtirish amalga oshiriladi. Joriy va yangilangan ma'lumotlar o'rtasidagi farq unchalik katta emas.

3.4.2 Oraliq ma'lumotlarni baholash

Asosiy oraliq ma'lumotlardagi mumkin bo'lgan tafovutlar tahlil qilinadi va ma'lumotlar nomuvofiqliklarni bartaraf etish uchun tuzatiladi.

3.4.3 Yakuniy statistik ma'lumotlardagi tafovutlar va boshqa nomuvofiqliklarni o'rganish

Asosiy oraliq ma'lumotlardagi mumkin bo'lgan tafovutlar tahlil qilinadi va ma'lumotlar nomuvofiqlikni bartaraf etish uchun tuzatiladi.

3.5 Ma'lumotlarni qayta ko'rib chiqish tahlili

3.5.1 Ma'lumotlarni qayta ko'rib chiqishni o'rganish va tahlil qilish

Yanvar-dekabr oylari uchun dastlabki yillik ko'rsatkichlar hisobot davridan keyingi 6 oydan kechiktirmay yillik hisobot ma'lumotlari bilan taqqoslanadi.

4. Amaliy yaroqlilik

4.1 Davriylik va o'z vaqtidaligi

4.1.1 Davriylik

Iste'mol tovarlari ishlab chiqarish hajmini hisoblash har oyda amalga oshiriladi, yangilangan ko'rsatkichlar yillik hisobotlarga muvofiq amalga oshiriladi.

4.1.2 O'z vaqtidaligi

Aholi jon boshiga iste'mol tovarlari ishlab chiqarish ko'rsatkichlari 10 ish kuni, yillik ko'rsatkichlar hisobot davridan 6 oydan kechiktirmay e'lon qilinadi.

4.2 Qiyosiylik

4.2.1 Ichki qiyosiylik

Tasdiqlangan va tarqatilgandan so'ng, statistik seriyalar qayta ko'rib chiqilmaydi.

4.2.2 Vaqt bo'yicha qiyosiylik

Aholi jon boshiga iste'mol tovarlari ishlab chiqarish hajmi bo'yicha mavjud vaqt qatorlari 2010 yildan qayta hisoblab chiqilgan. O'tgan yilning shu davriga nisbatan respublika bo'yicha jon boshiga o'rtacha ko'rsatkichlarning foiz stavkalari 2010 yildan boshlab qayta hisoblab chiqilgan.

4.2.3 Sektorlar va sohalar o'rtasidagi qiyosiylik

Statistik ma'lumotlar sanoat mahsulotlarining umumiy hajmi ma'lumotlari bilan taqqoslanadi. Iste'mol tovarlari ishlab chiqarish hajmi to'g'risidagi ma'lumotlar O'zbekiston Davlat statistika qo'mitasiga bevosita sanoat mahsulotlari ishlab chiqaruvchi korxonalaridan kelib tushadi.

4.3 Ma'lumotlarni qayta ko'rib chiqish

4.3.1 Ma'lumotlarni qayta ko'rib chiqish jadvali

Iste'mol tovarlari ishlab chiqarishning yillik hajmi to'g'risidagi ma'lumotlar yillik statistika dasturida nazarda tutilgan muddatlarda aniqlanadi.

Statistik ma'lumotlar sanoat mahsulotlarining umumiy hajmi ma'lumotlari bilan taqqoslanadi. Iste'mol tovarlari ishlab chiqarish hajmi to'g'risidagi ma'lumotlar Davlat statistika qo'mitasiga bevosita sanoat mahsulotlari ishlab chiqaruvchi korxonalaridan kelib tushadi.

4.3.2 Dastlabki va/yoki qayta ko'rib chiqilgan ma'lumotlarni aynan shu toifasi bo'yicha belgilash

Iste'mol tovarlari ishlab chiqarish hajmi to'g'risidagi ma'lumotlar yillik statistika dasturida belgilangan muddatlarda yangilangan yillik hisobotlar asosida qayta ko'rib chiqiladi. Dastlabki va/yoki qayta ko'rib chiqilgan ma'lumotlarni nashr etishda tegishli yozuv (havola) amalga oshiriladi.

4.3.3 Ma'lumotlarni qayta ko'rib chiqishni o'rganish va tahlil qilish bo'yicha olingan natijalarni tarqatish

Iste'mol tovarlari ishlab chiqarish hajmi bo'yicha ilgari e'lon qilingan ma'lumotlar aniqlangan taqdirda, keyingi nashrlarda yangilangan ma'lumotlar keltirilgan. Qayta ko'rib chiqilgan (yakuniy) ma'lumotlar Davlat statistika qo'mitasining nashrlari orqali tarqatiladi.

5. Qulayligi

5.1 Ma'lumotlar

5.1.1 Statistik ma'lumotlarni taqdim etish

Ma'lumotlar foydalanuvchilarga elektron shaklda "O'zbekiston Respublikasining ijtimoiy-iqtisodiy holati", "O'zbekiston Respublikasining statistik sharhi", "O'zbekiston Respublikasining

milliy hisoblari” nashrlari, oylik Press-revizlar orqali taqdim etiladi, foydalanuvchilarning iltimosiga binoan, va boshqalar.

5.1.2 Ma’lumotlarni tarqatish vositalari va shakllari

5.1.2.1 Bosma shaklda – Yangi nashr

Mavjud emas.

5.1.2.2 Bosma shaklda – Oylik byulletenlar

“Sanoat ishlab chiqarishi” statistik byulleteni.

5.1.2.3 Bosma shaklda – Choraklik byulletenlar

Mavjud emas.

5.1.2.4 Bosma shaklda – Yillik byulletenlar

Mavjud emas.

5.1.2.5 Bosma shaklda – Boshqalar

Maxsus foydalanuvchi so‘rovlari uchun jadvallar.

5.1.2.6 Elektron shaklda - Byulleten yoki nashrlar

Oylik statistik byulleten “Sanoat ishlab chiqarishi”, har oy elektron shaklda press-reviz.

5.1.3. Ma’lumotlarni e’lon qilish jadvali

Oylik ma’lumotlar 10 ish kunida, yillik ma’lumotlar hisobot davridan keyin 6 oydan kechiktirmay taqdim etiladi.

5.1.4 Bir vaqtning o‘zida e’lon qilish

Oylik, choraklik va yillik ma’lumotlar elektron jadval ko‘rinishida davlat organlari va boshqa foydalanuvchilarning so‘roviga ko‘ra taqdim etiladi.

5.1.5 So‘rov bo‘yicha ma’lumotlarni tarqatish

Maxsus tafsilotlar so‘rov bo‘yicha mavjud bo‘lishi mumkin. O‘zbekiston Respublikasining “Rasmiy statistika to‘g‘risida” gi Qonuniga, “O‘zbekiston Respublikasi davlat statistika qo‘mitasi to‘g‘risida” gi Nizomga, statistik ma’lumotlarni tayyorlash va tarqatish bo‘yicha ishlarni tashkil etish reglamentiga va boshqa normativ hujjatlarga muvofiq, statistik ma’lumotlar foydalanuvchilarga ularning iltimosiga binoan belgilangan tartibda taqdim etiladi. Statistik ma’lumotlarni tarqatish yuridik yoki jismoniy shaxslarning yozma so‘roviga binoan bosma yoki

elektron jadvallar, statistik byulletenlar, tezkor ma'lumotlar, shuningdek tomonlarning axborot o'zaro munosabatlari to'g'risidagi kelishuvlariga muvofiq taqdim etish orqali amalga oshiriladi.

5.2 Metama'lumotlar

5.2.1 Konsepsiyalar, statistik qamrov, tasniflar, hisobga olish asoslari, ma'lumotlar manbasi va statistik usullar to'g'risidagi hujjatlar va ma'lumotlarni tarqatish

Davlat statistika qo'mitasining veb-saytida statistik ko'rsatkichlarni shakllantirish va hisoblash bo'yicha uslubiy qoidalar mavjud.

5.3. Foydalanuvchilarga yordam ko'rsatish

5.3.1 Aloqa bog'lash bo'yicha ma'lumotlarni tarqatish

Foydalanuvchilarda savollar paydo bo'lganda, sanoat statistikasi boshqarmasi xodimlari bilan tegishli ko'rsatkichlarni aniqlash uchun zarur ma'lumotlar Davlat statistika qo'mitasining veb-saytida mavjud.

9. Rejalar

9.1 Oxirgi

9.1.1 Takomillashtirish rejasi – Oxirgi takomillashtirishlar

Statistika kuzatuvlari vositalarini (shakllari va so'rovnomalarini) takomillashtirish.

9.2 Umumiy

9.2.1 Takomillashtirish rejasi – Qisqa muddatli

Statistika kuzatuvlari shakllarini takomillashtirish.

9.2.2 Takomillashtirish rejasi – O'rta muddatli

Statistika kuzatuvlari vositalarini takomillashtirish.

9.3 Moliyaviy

9.3.1 Takomillashtirish rejasi – texnik/moliyaviy ko'makka talab – Qisqa muddatli

Moliyalashtirish yillik statistika dasturi doirasida ta'minlanadi.

9.3.2 Takomillashtirish rejasi - texnik/moliyaviy ko'makka talab – O'rta muddatli

Moliyalashtirish yillik statistika dasturi doirasida ta'minlanadi.

Aloqa bog'lash uchun shaxs (shaxslar):

F.I.Sh.:	Jo'rayev Sardor Botirovich
Lavozim:	Boshqarma boshlig'i
Bo'linma:	Sanoat statistikasi boshqarmasi
Idora:	O'zbekiston Respublikasi Davlat statistika qo'mitasi
Manzil:	Mustaqillik 63
Shahar/region:	Toshkent shahri
Mamlakat:	O'zbekiston Respublikasi
Pochta indeksi:	100170
Telefon: mamlakat kodi/shahar kodi/raqam	998-71-202-80-46
Faks: mamlakat kodi/shahar kodi/raqam	
Elektron manzil:	s.juraev@stat.uz